

دائرة مخصوصه

درسعادتده باب عالی جوارنده

محل اداره :

# مشرط القلم

اخطار :

مسلكمزه موافق آثار جديده مع المنونيه  
قبول اورانور

درج ايندلهين آثار اعاده اورانور

دينه، فلسفه، علوم، حقوق، ادبياتده و سياسياتده و باطاحه كرك سياسي او كرك اجتماعي و مدني احوال و مشوره اسلاميه در بحث ايدر و هفته در نشر از انور.

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

قيرله دن مقوا بورو ايله كوندريليس سنوی  
۲۰ غروش فضله آلير

تاريخ تأسيسی

۱۰ تموز ۳۲۴

|                     |    |     |           |
|---------------------|----|-----|-----------|
| ممالك عثمانیه ايچون | ۸۰ | ۴۰  | غروش      |
| روسيه               | »  | ۶۵۰ | ۳۵۰ روبله |
| سائر ممالك اجنبيه   | »  | ۱۷  | ۹ فرانق   |

بولنش اولیور . بناء على ذلك اسلامیت توحید ربوبیتله برابر توحید الوهیتی ده تقریر و تحقیق ایتمکده در .

نقائصله آلوده بولنان عاجز مخلوقلر الوهیت مقامنه لائق کورولنججه باری تعالی حضرتلرینک شان مقدسنه اسناد نقائص ایدلمش اوله جنی ده وارسته ایضاحدر . ( تعالی عما يقول الظالمون )

بوحالده آچیقندن آچیمه مولای متعاله اولاد و انداد عزو واسنادنده اولانلرک بتپرستلردن دها زیاده غالی و متجاسر اولدقلری ثابت اولمازمی ؟

### مناسرتلی اسماعیل حق

[۲] « بلوغ العرب فی احوال العرب » کتابنده بو مذاهب باطله نك هر بری بیان اولمشدر .



### مصاحبه

« بجهان خرم از آنم که جهان خرم ازوست ؟

عاشقم بر همه عالم که همه عالم ازوست ! »

دین سعدی شیرازی حقنده نه پرستشکارانه بر حرمت بسارسمه ؛ « وعلى تفنن واصفیه بحسنه ،

یغنی الزمان وفیه مالم یوصف . »

ترانه وجدان رباسیله هر دم استغراق اولان ابن فارضه قارشی روحده نه بویوک بر انجذاب طویارسمه ؛

« ای که بهرجا حضور کرده بنام ذکر :

هم عربی را اله ، هم عجمی را خدا ! »

تهلیل عارفانه سیله جهان شعرك برترین طبقاتنه یوکسلن فیضی هندی په نصل حیران اولورسمه ؛

« کرچه جانان دل شیدا ایچون کام ایسترم ..

صورسه جانان بیلمزم کام دل شیدا نه در ! »

نشیده لاهوتیسیله عشقنده کی کمال فوق الحیالی طویوران فضولی نه قدر سورسمه ؛ لامارتینی ده او قدر سور ، او قدر حرمتله ، او قدر اشتیاق ایله یاد ایدرم .

بو کون بیله پک کفایتسز اولان فرانسزجه ، او غرب بابلنک الهمی زمزمه لرینی ایلك دیکله دیکم زمانلر ، هیچ درکسندنه ایکن ینه اکلامده او قدر مشکلات چکمزدم ؛ اونک لسانی بنم سامعه وجدانمه بیگانه کزدی دییه چک اولورسمه احتمال که استغراب ایدرسکمز . حقیقت نه اولورسه اولسون ، شوراسی محققدر که بن او زمانلر بیله لامارتینک آثارندن پک چوق ذوق طویاردم .

شرق ایله غرب آره سنده کی مسافه بعدالمشرقین اولمقله برابر بن عراقلی فضولی ایله فرانسه لی لامارتینی عینی خاک نامیه دارک فیض مبینی ظن ایدردم . غرازییه لایلی او قورکن لیلی نامه فضولی بی او قودیغمه ذاهب اولوردم . هله مه دیتاسیون بنم ایچون بر سعدی کلیاتی ، یاخود ابن فارض دیوانی ایدی !

نه درجه اختلافات واحتراماتده بولندقلرینی بیان وتصویر ایدیور . دیگر جهتسندن ده اولنلرک قسم اعظمی درجه عالیة مدینته ! واصل اوله بیلدکلرندن اصنامه پرستشلی امرظاهری اولوب ایمان واعتقاددن خالی اولدیفنی ادعا ایدیور . ایچلرندن بعض کسانک بر حدت و تهور اوزرینه اصنامه حقارت ایتسنی بوکا دلیل اتخاذا ایدیور . بونک عموم حقنده دلیل اولهمیه جنی ایسه آشکاردر .

غایت سطحی معلومات ویریور ديدك . چونكه تاریخ اسلامیت ؛ اسلامیتك ظهور وانتشارینه مقارن اولان احوال واسبابی تدقیق اساسنه مستند اوله جفندن اواننده قوم عربك سالک بولندیفنی بالجمله مذاهبدن اجمال صورتیله اولسون بحث ایدلمکی مقتضیدر . عربلرده « و ما یملکنا الا الله » دین دهریلر بولندیفنی کبی شمش وقره حصر عبادت ، « ثنویه » مذهبنه متابعتله نور وظلمته اسناد الوهیت ایدنلرده وار ایدی . پک چوق کیمسه لر صائبه مذهبنه سالک اوله رق منجمینک سیارات حقنده کی اعتقادلری کبی انوائی ( منازل قردن افقده ساقط وغارب اولان ییلدیزلری ) مؤثر اعتقاد ، یغمور و روزگار کبی حوادث جویه نك کافه سنی اونلره اسناد ایدرلردی . عربك ( مطرنا بنوء کذا ) سوزلری بوقیلدندر . [۲]

دوزی ایسه بولردن اصلا بحث ایتمه دیکی کبی قوم عربده اک زیاده شیوع ورواج بولان بتپرستلکک اسباب موجب سنده تعرض ایتمه مشدر . بوحالده بوتون حقائقدن اغماض ایله ظواهر احواله قصر نظر ایتمش اولیور . فقط عبادت اصنامک اسباب وقوع و شیوعندن اولسون بحث ایده چک اولسه یدی نه قدر واهی و غیر معقول اولدیفنی تبین ایدره ک دین مبین اسلامک علویت و قدسیتی برقات دها تظاهر ایده چک ، نصرانیتک ده اسباب مذکورده بتپرستلکک اشتراک و مقاربتدن خالی اولمادیفی میداننه چیقاجق ایدی . بودرلو نتایج ایسه دو قنورک کتابنی او قویه جقلرک استفاده لرینی تأمین ایتیه چکندن مقصدی عالم انسانیتک منافع عالیه سنده « ! » خالص مخلص خدمتدن عبارت بولنان حکیم مزبور « ! » هیچ بوجه تلمه یناشیرمی ؟

مثلا خلائی عبادت اصنامه سائق اولان اسباب غوایتک بریبی ده مخلوقه تعظیمده غلو و افراطدر . ناس مظهر خوارق کوردکلری و یا ایشدکلری ، غایت سهو و رک ربط قاب ایلدکلری بر طاقم ذوات و اشیایی شان و مرتبه لری فوقه چیقاروب کندیلرینه الوهیتدن حظ و نصیب اعطا ، خلاق ذوالجلاله تشبیه ایله بعض خصائص الهیه ده اشتراک ادعا ایدرلردی .

بوزعم باطله بناء ناملرینه هیکلر نصب اولنهرق پرستش ایدیلیر ، کندیلرندن خوف ورجا ایله اسملرینه یمین و برای تعظیم ذبح قراین اولنوردی ، سجده لر ، نیازلر ، استمدادلر استغاثه لر هپ بوملاحظه ایله یابیلردی .

الحاصل هر مشرک خالق و رازقی الله تعالی حضرتلری اولدیفنی اعترافله توحید ربوبیت اعتقادنده بولنسه ده محضا اله و معبودینی خصائص الهیه نك بعضی سنده جناب باری په تشبیه ایله تجاوز حده

او بویوک شاعرك كندیسندن ایشیدنجه ایچمده نه صمیمی بر سرور ،  
نه طبیعی بر غرور او یانه حقی بن تصویر ایده من سه مده البته سز  
تقدیر ایدرسکزر .



نه اولور ، بر خیر صاحبی چیقسه ده بزه « مهدیتاسیون » لری ،  
« آرمونی » لری ، « غرازییه لالا » لری ، « رافائل » لری ترجمه ایتسه !  
واقعا ایکی صوکره کی اثر لسانمزه نقل اولمش . لکن بو کون ایچون  
کافی دکدر ، چونکه بر جوق یرلری کچلمشدر . خصوصیه بو کبی  
آثار مخلصه اصلنده کی تراخته مساعده امکان نسبتده یاقلاشیلنجه یه  
قدر بر جوق ارباب قلم طرفندن ترجمه ایدلایدیر . رافائل تمام ناتمام  
ایکی اوچ ترجمه سندن بن برینی کورددم که ایی دکدی . لامارتینه  
ترجان ارله جق آدم فرانسزجه یی نه قدر ایی آکلاسه ، ترکجه یی ده  
نه قدر طوغرو یازسه ، خصیصه شعر ایله مفطور اولمادجه ، قابل  
دکل احراز موفقیت ایده من . هله بنم کوردیکم ترجمه ده « مذکور  
قادینک چهره سنده نور صباحت لمعان ایتمکده بولمش ایدی ... »  
عبارده سنه یاقین جمله لر بیله واردی ! اوت ، بو مترجم بر تاریخ ترجمه  
ایده بیلیر ، بر بند سیاسی یازمه بیلیردی . لکن هیچ بر وقت رافائل  
ترجمه ایده مزدی .

هر وادیده قلم یوروتمک فطرتک پک نادر یتشدیردیکی ارباب  
دهانک کاریدر . بزه پک مفید اثرلر براقان شمس الدین سامی پک  
مرحوم هوغونک سفیلارینی ترجمه یه باشلادینی زمان ادیب اعظم کمال :  
« ایی اما بیلیم یاپه بیله جکمی ؟ » دیمش . ترجمه نک برنجی فورمه سنی  
کتیرمشلر : « فنا دکل ، فقط ترکجه دن زیاده آرنارودجه یه بکزییور ! »  
طرزنده لطیفه پردازلوق ایتمش .

شرقده غریبه بر جوق بدایع ادبیه وار که لسانمزه نقلی ادبامن  
ایچون عادتاً فرض کفایه در . سمعیلردن ، فردوسیلردن ، سناییلردن ،  
مولانالردن ، ابن فارضلردن ، ابوتاماملردن ، متنبیلردن ، ابوالعلا لردن ،  
کذلک غربک دهاته ادبندن بزم فقیر ادبیاتمز نصل مستغنی اوله بیلیر ؟  
یچون بو ایشی باشه چیقاره بیله جکلر کوشه محویته چکیلیورلر ؟  
وقتیله احمد نعیم پک قاردشمز « بدائع العرب » عنوانی آلتنده  
نه منتخب اثرلر بولمش ، ترجمه ایتمش ایدی ! صراط مستقیمک صحیفه لری  
او مساعینک دوامنی کورسه نه اولور !

فرید لامارتینک « جناب حق » عنوانلی نشیده عارفانه سنی ترجمه  
ایتدی ، او قویانلر مست اولدی . فقط واسفا که آلت طرفی کلدی .  
مشویده نه لر وار ! لکن هیچ بریمزک خبری یوق . وقتیله او غراشمش ،  
اوقومش اولانلر بزه بیلمدیکمز ، اوقومادیغمز ، بو کیدیشه  
اوقویامایه جغمز اثرلری برر برر یازمالی ، اوقوتمالیدر . اولجه بویله  
تکلیف وارد اولسه ردی پک قولای ایدی ؛ لکن تشکر اولنور که  
شیمدی او یله دکل .

شیمدی یه قدر شفاهی دعوتلرده بولوندمسه ده روی قبول کوسترن  
اولمادی . حتی بعضیلاری باشندن صاموق ایچوک « کندک یاپسه ک آ ! »

لامارتینک دست صنعتده کی ارغونی فضولینک بنان رقتنده  
ایکله بن نایباره ایله هم آهنگ بولور ، ایکسندن ده عینی محرق ترانه لری  
طویدجه سرکرم استغراق اولوردم .

برینک صمیم روحندن قویان صغیر دجله وادینک نسیمی کبی  
آتشین ، دیکرینک سینه منصومندن یوکسلن سرود صوررانت  
ساحلنده کی چاملرک انین ریقی کبی حزن اولسه ده ، خلقتک بو ایکی  
بسته کار کربانی . باشقه باشقه ادا ، باشقه باشقه صدا ایله عینی نغماتی  
ترنم ایدوب طورویوردی . چونکه ایکسی ده بر حسن لایزالک  
مدهوش جمالی ایدی .

غرازییه لالانک نگاه کبودی لامارتینک محیط استغراقنده نصل  
سرمدی بر جهان ازلی ضیا آچیورسه ، لیلانک شبرنک نظرلری ده  
فضولی یی او یله بر عالم باقی وجد ایچنده بیدار ایدیوردی !  
عجبا غرازییه لالانک آرقه سندن آغلایان لامارتینک « ایلک آجی »  
سنده .

جام می غم طوتانده عالم ،  
هم سن ایچدک او جایی هم بن .  
برخیلی زمان اکرچه یاندک ،  
سوزده طورمادک اوصاندک !  
بیدارلغه کتیرمدک تاب ،  
شمالا کوزک اولدی مائل خواب !

نوحاتیله لیلانک خیال کربزانی تشییع ایدن فضولی یی دویماق  
قابلیدر ؟



یارجام فریدایله آره صره « مهدیتاسیون » دن پارچه لر اوقوروز .  
بو بویوک شاعری فریدکده بنم قدر سودیکنی ، آناری حقنده اونکده  
بنم کبی دوشوندیکنی کوردکجه انجذاب قدیم - بیلیم رقابتک تأثیر  
سحریمیدر نه در ؟ - بر قات دها آرتدی .

بر کون فرید : « بز لامارتینی پک ایی اکلا یورمشز . باقسه ک آ  
کندیسسی بیله نه سویلیور ... » دییه رک مهدیتاسیونک اوزمانه قدر  
کوزیمه ایلشیمه یی بر پارچه سنی کوستردی . انجه حروف ایله حاشیه  
قیلیقلی یازیلان او پارچه نک مالی شوکا یاقین ایدی :

« فطرت بنی پارس عالمی ایچون یار آتامش .. او حیات ذوقه  
الویرمیور ، روحی بزار ایدیور . بن شرقلی طوغشم ، هم شرقلی  
اوله جکم . بن ایصسز یرلر ، چوللر ، دکزلر ، طاغلر ، آتله ، طبیعتله  
درونی مشافهه لر ، مأللی تقدیس ایده جکم بر نشیده جمال ، مصاحبه سیله  
اویالانه جیم بر انیس جان ... خلاصه عربلرده ، عثمانیلرده اولدینی  
کبی متاعب جسمانیه دن آزاد بر لاقیدی ایچنده ، فقط روحک ،  
مفکره نک مساعیسیله ، تخیلات ملهمانه سیله کچن بر حیات ایچون  
یارادلمش . بر حیات که باشدن باشه شعر ایله ، ایمان ایله ، حسیات  
نجیبه حاسله پیرایه دار ... »

لامارتینه عائد احتساساتمک غلط حس شائبه سندن پاک اولدیغنی

هانکی شرائط تحتند و قوعه کله جگنی بیلیمورز . حالبوکه موسم شتاده (ویانه) دن (لوندره) یه کوندریان بر فوجی غلیسرینده کندیلکندن Spontanément بلورات کورلشدر .

بو بلورلر مطالعه ایدیله رک اثبات ایدلشدر که صلب غلیسرینک درجه ذوبانی (۱۸) درجه در . بودرجه حرارتک تحتند مایع غلیسرین تصلب ایتک ایجاب ایدرکن فوق ذوبانه دوجار اولیور . فقط بتولده یاپیلدینی کبی غلیسرینده بو بلوراتک ظهوری شرائطی تعیین ایدیله . مامشدر . مع مافیله طبق کبریتیت سود محلول فوق مشبوعک دروننه قونیلان بلورلرله بشقه بلورات استحصال ایدلیدیکی کبی بالتصادف الیه ایدیان بو غلیسرین بلوراتک یاردمله بشقه بلورات تشکیل ایدیله . بیلیمشدر . ایشته مایونک علائم طبیعی غیرعضویه ایله علائم حیاتیله ارسنه قویق ایستدکاری مشابته بورادن چیقور .

(۱) بر محلول فوق مشبوعک دروننه بر جزو بلورک قونلشی بر ات صونی کولتورینه بر میقروبوک تبذیرینه مشابه ایمش !  
(۲) محلول فوق مشبوعک تبلری اورایه قونیلان بلورک تناسل و تکثری ایمش !

(داستر) ک قولنجیه اکر بو حادثه مناسب بر کولتور داخلنه تبذیر ایدیلان بر نوع میقروبوک تکثریله مقایسه اولنورسه هیچ بر فرق اولمدینی کوریلیرمش ! وایلك بلور کندیله مشابه ایکنجیسنی واوده بر اوچنجیسنی والی نهاییه بر چوق اولاد واحقاد حاصل ایدر ایمش ! قدر عجایب بر محاکمه !..

مناسب بر کولتور داخلنه زرع ایدیلان بر میقروبوک بویور . صکره وجودی ایکی دیگر میقروبوک تشکیل ایتک اوزره ایکی پارچه بر آریلور و بونلرده کندی باشلرینه بویویه رک و تجزی ایدرک هر بری ایکی یکی میقروبوک تولید ایدر . فنا سویلک اقتضا ایدرسه ایلك میقروبوک ایکنجی بی تولید ایتدیکی کبی ایلك بلورده ایکنجی بلوری طوغور مشمی دیلایدیر ؟ ایکنجی بلورک وجودی تولید ایدن برنجی بلورک ماده سی دکدر . ایکنجی ، برنجینک یاننده قوای ذرویه نک بر اثری اولمق اوزره شکل ایتشدر .

بر محیط مناسبه بر میقروبوک تکثریله بر محلول فوق مشبوعک تبلری ارسنده مادیونک قبول و تصدیق ایتدیرمک ایستدیکی مشابته تامه کله سی عرض و ایضاح ایدیلان وقایعه شمولی اولیان بر تعبیردر . (داستر) ک فکر نجه « بر محلول فوق مشبوعک سینه سنده بلوراتک بنفسه تشکیل (تنسل بنفسه) دن بشقه برشی دکدر . غلیسرین بلوراتک بالتصادف ظهوری بر نوع ذی حیاتک یارادیلدیشنه Création تطبیق ایدیله جک بر کیفیتدر . زیرا بو ذی حیات (نوع بلوری) بر دفعه ظهور ایدنجه دوام ایده بیلیر . »

موسیو (داستر) او قدر ایلری کیتشدر که حیوانات و نباتاتک تناظر داخلی و خارجی بر بلوراتک تناظرینه تطبیق ایدرک اشکال بلوریله ایله اشکال حیاتیله ارسنده بر مشابته بولشدر . حتی صنف

دیدیلر . بن کندیله او ثروت اقتداری کورسه قارقارده اخوان صفایه کشکول اوزاتی مییم؟ رحم الله امرء اعرف قدره ولم یتعد طوره .

محمد عاکف

—••—

خطبه

— ۱۰ —

الحمد لله الذی اذا اراد امرأ هیأله الاسباب . الحمد لله الذی اذا قضی بالنجاح وفق للصواب . الحمد لله الذی اذا قدر النجاة مهد السبیل للطلاب . الحمد لله الذی له الحکم و الیه ترجعون . استغفره و اشهد ان لا اله الا الله یفعل ما یرید . و اشهد ان سیدنا محمدا بالغ الرسالة و حذر من الوعيد . اللهم صل وسلم علی هذا النبی السعید . و علی آله و صحبه اهل الکمال . « اما بعد فیما عبدالله » قلب النظر فی الوجود تجد کل امة فی تألف و تعاون . ثم قلبه فی المسلمین تجد القلوب فی تباغض و تضامن . قل این نصراء الاسلام تجد هذا فی تحاذل و هذا فی تهاون . قل این الضعفاء الاذلاء یحبک المسلمون . نحن لاغنی منا الا و هو یتعاضد کأنه ملک ملک کسری . نحن لاریس منا الا و هو یتجبر کأنه نسی الدار الاخری . نحن لاجماعه منا الا و هو ینفی عننا ذکرا و ان نترك العظمة فی زمن صارت فیهم متحاسدون . اما آن ان تتبع محاسن الآداب فی زمن کثرت العظماء اذلاء . اما آن ان تمسک بدین اعرضنا عنه فعرضنا انفسنا للبلاء . اما آن ان نعمل کما یعمل الآخرون . کل امة فی تقدم و نحن فی تأخر و اختباط . کل ملة فی انتظام و نحن فی اختلاط . غیرنا فی ارتقاء و نحن فی انحطاط . نحن المتصورون نحن المهملون . نحن نبجل علی البیت بالدرهم و نجود علی الفساد بالعثرات . نحن نقصر فی التریبة و نلوم علی البنین و البنات . نحن فی الخیر لایقوم واحد الا و بحیثه للشرور جماعات . نحن فی الملاحی لنا شوؤن و شئون .

هزوا القلوب للمتألمین . تمسکوا بالسنة و الکتاب تغنموا . نهوا العقول للعمل ترجوا . اترکوا الملاحی و اتقوا الله لعلکم تفلحون .

روی ابو داود عن سراقه ابن مالک بن جشم قال خطبنا رسول الله صلی الله علیه وسلم فقال « خیرکم المدافع عن عشیرته مالم یأثم » وروی الترمذی عن ابی بکر الصدیق قال قال رسول الله « صائم » « ملمون من ضار مؤمناً او مکربه » صدق رسول الله .

علی شیخ العرب

—••—

فلسفه حیات

یاخود اثبات واجب

منشأ حیات

۱۱

غلیسرینده بذاته تبلر ایتک خاصه سی ارئه ایدر . فقط بونک